

5. DECRETO 95/1984, DO 24 DE MAIO. REXISTRO DE ORGANIZACIÓNNS DE CONSUMIDORES E USUARIOS DE GALICIA.

A fin de crea-las canles axeitadas para a protección e defensa dos consumidores e usuarios, e en cumprimento das previsións constitucional e estatutaria, constitúese o Rexistro de Organizaciónns de Consumidores e Usuarios de Galicia onde se deberán integrar aquelas organizaciónns, asociaciónns ou entidades que sen ánimo de lucro, e desenvolvendo as súas actividades no ámbito da Comunidade Autónoma de Galicia, teñan por finalidade a defensa dos intereses dos consumidores e usuarios.

Na súa virtude, sendo a materia de competencia exclusiva da Comunidade Autónoma de Galicia, conforme o disposto no artigo 30.1.4. do Estatuto de Autonomía, a iniciativa do Conselleiro de Sanidade e Consumo, logo da deliberación da Xunta de Galicia na súa reunión do día vintecatro de maio de mil novecentos oitenta e catro,

DISPOÑO:

ARTIGO 1

Créase, no seo da Consellería de Sanidade e Consumo, o Rexistro de Organizaciónns de Consumidores e Usuarios de Galicia.

O Rexistro, que dependerá da Dirección Xeral de Consumo, constará de dúas Seccións: a Sección Xeral e maila Sección Especial.

ARTIGO 2

As Organizacións e Asociacións de Consumidores e Usuarios, de Amas de Casa, e entidades de calquera tipo de pretendan gozar dos dereitos e beneficios previstos nos artigos 7.2 e 8.9 do presente Decreto deberanse inscribir obrigatoriamente no Rexistro ó que se refire o artigo 1 do presente Decreto.

INSCRICIÓNNS NA SECCIÓN XERAL

ARTIGO 3

- 1) Para a súa inscrición na Sección Xeral do Rexistro de Organizacións de Consumidores e Usuarios de Galicia, as organizacións, entidades ou asociacións que o soliciten terán que reuni-las seguintes condicións:
 - a) Que non teñan fins lucrativos nin figuren entre os seus membros persoas xurídicas con ánimo de lucro.
 - b) Que teñan como finalidade primordial a defensa do consumidor e usuario.
 - c) Que non perciban axudas ou subvencións de empresas ou grupos de empresas que fornecen bens ou servicios ós consumidores e usuarios.
 - d) Que a súa sede social radique en Galicia e que desenvolvan as súas actividades no ámbito territorial da Comunidade Autónoma de Galicia.

- 2) Ademais de reuni-las condicións sinaladas no apartado anterior deberán cumplir-los seguintes requisitos:
- a) Se se trata de asociacións: ter un mínimo de douscientos socios, de actuaren no conxunto do territorio da Comunidade Autónoma de Galicia, e cincuenta socios se o seu ámbito de acción é menor; e ter un presupuesto mínimo anual de gastos, respectivamente, de cincocentas mil pesetas e de duascentas mil pesetas.
 - b) Se se trata de federacións: estaren integradas por un mínimo de tres organizacións debidamente inscritas no presente Rexistro, e teren un presupuesto mínimo anual de gastos de setecentas cincuenta mil pesetas.

ARTIGO 4

Para ser inscritas na Sección Xeral do Rexistro de Organizacións de Consumidores e Usuarios de Galicia, as entidades interesadas presentarán a súa solicitude mediante instancia, dirixida á Dirección Xeral de Consumo da Consellería de Sanidade e Consumo que deberá ir acompañada dos seguintes documentos:

- a) Certificado do organismo competente acreditativo da inscripción da entidade no Rexistro de Asociacións.
- b) Copia autenticada dos Estatutos sociais.
- c) Certificación expedida polo Secretario da organización solicitante na que se faga constar:
 - 1) Nomes, domicilios e cargos dos titulares dos órganos de governo.
 - 2) Número efectivo de socios.

- 3) Cotas que están obligadas a pagar.
- d) Memoria descriptiva das actividades realizadas o ano anterior, no seu caso pola entidade solicitante, e programa de actividades correspondente ó ano no que se presenta a solicitude.

ARTIGO 5

A vista da documentación presentada pola entidade solicitante, a Dirección Xeral de Consumo dictará resolución, que, de ser favorable á solicitude presentada, levará consigo a inscrición da entidade no Rexistro de Organizacións de Consumidores e Usuarios de Galicia, asignándolle o número correspondente.

As resolucións denegatorias deberán ser motivadas, e contra estas poderase interpoñe-lo recurso de alzada previsto no artigo 122 da vixente Lei de Procedemento Administrativo, ante o Conselleiro de Sanidade e Consumo.

ARTIGO 6

As entidades inscritas no Rexistro poderán ser recoñecidas como colaboradores da Consellería de Sanidade e Consumo, con tal carácter, poderán desenvolve-las seguintes actividades de defensa do consumidor e usuario:

- a) Publicacións e campañas de difusión.
- b) Xornadas, cursos ou seminarios para consumidores, monitores ou responsables de centros de información.
- c) Participación nas feiras ou salóns celebrados na Comunidade Autónoma de Galicia.

- d) Creación e funcionamento de centros de información, orientación e asistencia técnica ós consumidores e usuarios.
- e) Realización de estudios sobre temas concretos de interese para a defensa dos consumidores e usuarios.
- f) Presentar solicitudes, con fundamento suficiente, ós laboratorios oficiais para a realización de análises sobre a composición ou estado de conservación dos productos coa conseguinte publicación dos resultados obtidos.
- g) Solicita-la concesión de subvencións e axudas que poida acorda-la Xunta de Galicia, para o desenvolvemento das súas actividades.
- h) Ser oídas a través dos representantes das anteditas organizacións, nas comisións ou relatorios que traten sobre temas relacionados directamente coa protección e defensa dos consumidores e usuarios.

ARTIGO 7

A inclusión no Rexistro comportará, a súa vez, as seguintes obrigas para as entidades censadas:

- a) Presentar dentro do primeiro trimestre de cada ano, debidamente certificado polo Secretario, co Visto e Prace do Presidente, a Memoria descriptiva das actividades realizadas durante o ano anterior e a liquidación dos orzamentos de ingresos e gastos establecidos para o antedito período.
- b) Presentar antes do 31 de xaneiro de cada ano, debidamente certificados, a Memoria das actividades programadas para o novo ano e os correspondentes orzamentos de ingresos e gastos.

- c) Comunicar, cando se produzan os cambios na composición do órgano de goberno, con especificación do nome, domicilio e cargo dos novos membros, así como as modificacións introducidas nos Estatutos sociais, en escrito certificado do Secretario co Visto e Prace do Presidente.
- d) Poñer a disposición das persoas, que a Dirección Xeral de Consumo nomee a tal fin, calquera información e documentación que esixan a fin de comproba-la veracidade dos datos facilitados pola entidade, en cumprimento das normas contidas no presente Decreto.

ARTIGO 8

As entidades inscritas no Rexistro de Organizacións de Consumidores e Usuarios de Galicia deberán facer constar nas súas comunicacións oficiais o número de Rexistro ó que se refire o artigo 5 deste Decreto.

INSCRICIÓNNS NA SECCIÓN ESPECIAL

ARTIGO 9

- 1) Inscribiranse na Sección Especial do Rexistro de Organizacións de Consumidores e Usuarios de Galicia, as entidades sen finalidades lucrativas, que actúen no ámbito da Comunidade Autónoma de Galicia e que teñan, entre outras finalidades, non de xeito específico nin principal, a de defende-los intereses dos consumidores e usuarios.
- 2) A Consellería de Sanidade e Consumo poderá contar coa colaboración das entidades inscritas na Sección Especial do Rexistro, para a realización de actividades específicas realizadas cos fins sociais das anteditas entidades.

ARTIGO 10

- 1) As entidades que pretendan a súa inscrición na Sección Especial do Rexistro, terán que presentar unha solicitude nos mesmos termos que establece o artigo 4 do presente Decreto para as entidades que poidan ter acceso á Sección Xeral.
- 2) As entidades inscritas na Sección Especial do Rexistro poderán desenvolver calquera das actividades ás que se refire o artigo 6, apartados a), b) e c) deste Decreto.
- 3) Así mesmo, as entidades inscritas na Sección Especial do Rexistro terán que cumpri-las obrigas previstas no artigo 7 do presente Decreto.

LIBROS**ARTIGO 11**

Coas necesarias condicións de seguridade e conservación, levaranse os libros seguintes:

- a) Libro Xeral de Asociacións da Sección Xeral.
- b) Libro Xeral de Federacións da Sección Xeral.
- c) Libro Xeral de Asociacións da Sección Especial.
- d) Libro de presentación de documentación.

ARTIGO 12

Os libros encabezaranse con diligencia na que se indicará a Sección, a clase de libro e mailo número de páxinas destinadas ós asentos.

ARTIGO 13

De todo documento que teña acceso o Rexistro tomarase nota, no día da súa entrada, no libro de presentación de documentos. No asento correspondente mencionarase a Asociación ou Federación á que afecta, farase un extracto do contido do documento e consignarase a data deste.

ARTIGO 14

Conforme ó previsto no artigo 9 da Lei 3/1983, do 15 de xuño, de Normalización Lingüística, os asentos nos libros de rexistro faranse na lingua oficial -galego ou castelán- en que estea redactado o documento ou se faga a manifestación. Se o documento é bilingüe, inscribirase na lingua que indique quen o presenta no Rexistro.

ARTIGO 15

Nos Libros Xerais de Asociacións ou Federacións anotaranse, por orde cronolóxica, as resolucións de inscrición no Rexistro. Os asentos correspondentes deberán conter, ademais, os extremos relativos ó domicilio social, fins, e nomes e apelidos dos titulares dos órganos de gobemo da Asociación ou Federación inscrita.

PUBLICIDADE

ARTIGO 16

O Rexistro de Organizacións de Consumidores e Usuarios de Galicia é público.

A publicidade realizaase por manifestación e exame dos libros logo da autorización da Dirección Xeral de Consumo, así como por certificación literal, ou en extracto, de cantos extremos se soliciten.

As certificacións literais expediranse na lingua en que se efectuase a inscrición reproducida. Cando non sexa transcripción literal do asento,

empregarase a lingua oficial interesada polo solicitante. No caso de documentos inscritos en dobre versión lingüística, pódense obter certificacións en calquera das versións, a vontade do solicitante.

As certificacións irán autorizadas polo Director Xeral de Consumo ou, pola súa delegación, polo encargado do Rexistro.

BAIXA

ARTIGO 17

En caso de que algunha entidade inscrita incumpra o disposto no presente Decreto, a Dirección Xeral de Consumo poderá dictar resolución acordando a baixa da entidade no Rexistro, logo da incoación do oportuno expediente, que se tramitará conforme ó previsto no artigo 133 e seguintes da vixente Lei de Procedemento Administrativo.

Disposición Transitoria única

As Organizacións ou Asociacións de Consumidores e Usuarios que estean desenvolvendo as súas actividades no momento da entrada en vigor do presente Decreto, terán que solicita-la súa inscrición no Rexistro previsto no mesmo no prazo de dous meses a partir da súa entrada en vigor.

Disposición Derradeira primeira

Facúltase o Conselleiro de Sanidade e Consumo para dicta-las normas necesarias para o desenvolvimento e cumprimento do presente Decreto.

Disposición Derradeira segunda

O presente Decreto entrará en vigor o día seguinte ó da súa publicación no Diario Oficial de Galicia.

Santiago de Compostela, vintecatro de maio de mil novecentos oitenta e catro.